







ARREST aurund. DE LA COVR DES MONNOYES,

Portant desenses aux Officiers de la Monnoye de Lyon, d'appliquer plus du tiers des amandes & confiscations, aux Iurez des Mestiers, Maistres & Gardes de l'Orseuerie, & aux denonciareurs.

Du 30. Iuin 1650.



A PARIS,

Chez Sebastien Cramoisy, Imprimeur ordinaire du Roy, de la Reyne Regente, & de la Cour des Monnoyes.

> M. D.C. L. Anec Prinilege de sa Maiesté.

TANGER OF ANALYSIS PORT

THE NEWBERRY LIBRARY

The second of th



EXTRAICT DES REGISTRES de la Cour des Monnoyes.

Ev par la Cour la Requeste presentée par Maistre Philippe le Bret Conseiller du Roy, Receueur

general des amandes & confiscations d'icelle: narratiue, que pour satisfaire au deu de sa Charge & aux Arrests tant de ladite Cour, que de la Chambre des Comptes, il auroit cy-deuant commis Maistre Seuerin de Boze pour faire la Recepte des amandes & confiscations, qui auoient esté & seroient iugées par les Officiers de la Mon-

noye de Lyon : en suitte de laquelle Commission ledit de Boze luy auroit presenté vnestat, & compte desdites amandes & confiscations, auec deux Roolles iustificatifs d'icelles, portant que la pluspart d'icelles auroient par lesdits Officiers esté appliquées au profit des Tireurs & Escacheurs d'or, Maistres & Gardes de l'Orfeuerie, ou autres denonciateurs, & le surplus de ce qui pouuoit rester, aux reparations de l'hostel de la Monnoye, & de la Chapelle desdits Iurez, les deniers desquelles reparations ledit de Boze supposoit auoir esté receus parlesdits Tireurs & Escacheurs d'or: Que ladite application n'auoit peu ny deu estre faite par lesdits Officiers, n'ayant eu pouuoir d'icelles ordonner que iusques à la concurrence du tiers seulement, & à la charge que ledit tiers seroit payé

ausdits Iurez ou autres denonciateurs, par ledit le Bret ou son Commis, en luy rapportant certificats des Substituts du Procureur General de ladite Cour, portant comme ils se seroient inscripts sur son registre en ladite qualité de denonciateur: D'ailleurs que les dites reparations ne peuuent & ne doiuent estre faites, sinon par l'ordre de la Cour, & les deniers d'icelles estre suiuant ses Arrests payez par ledit le Bret ou sesdits Commis, pour en estre par luy compté en la Chambre. Requerant ledit le Bret luy estre sur ce pourueu en procedant au iugement de l'instance preste à iuger, au rapport de Maistre Paul Bain, Conseiller en ladite Cour, entre ledit le Bret & ledit de Boze, Conclusions du Procureur General du Roy. Oüy le rapport du Conseiller à ce commis; Et tout consideré,

LA Coyr faisant droit sur ladite Requeste a fait & fait tres-expresses inhibitions & defenses aux Officiers de ladite Monnoye de Lyon, de doresnauant appliquer pour quelque cause que ce soit, aucune chose des amandes & confiscations qu'ils pourront iuger, sinon le tiers seulement aux Iurez des Mestiers, Maistres & Gardes de l'Orfeuerie, ou aux denonciateurs, ausquels ledittiers sera payé par ledit le Bretou ses Commis, en luy rapportant, ou à sesdits Commis par lesdits denonciateurs certification en bonne forme des Substituts dudit Procureur General, portant comme ils aurone esté inscripts en ladite qualité de denonciateur sur son registre : le tout à peine d'en respondre par lesditsOfficiers en leur propre & priué nom. Et a ladite Cour declaré & declare le present Arrest commun

auecque les autres Officiers de toutes les Monnoyes de France: & ordonne qu'à la diligence dudit Procureur General & de ses Substituts, il seraleu à l'Audiance, & enregistré aux Gresses d'icelles Monnoyes, pour estre obserué & executé selon sa forme & teneur, dont les dits Substituts certifieront la Cour dans vn mois. Fait en la Cour des Monnoyes le trentième Iuin mil six tens cinquante.

Signé, DELAISTRE.

Collationné à l'Original par moy Confeiller, Secretaire du Roy, Maison & Couronne de France, & de ses Finances, Gressier en chef de la Cour des Monnoyes, sous-signé.









